



Број: 01/5-50-3-683/23

Сарајево, 20. 3. 2023.

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA U 2022. GODINI**

Sarajevo, mart 2023. godine

SADRŽAJ

POGLAVLJE I. UVODNI DIO.....	3
Tabela 1. Pregled sjednica Komisije s tačkama dnevnog reda	4
POGLAVLJE II. IZVJEŠTAJ O AKTIVNOSTIMA KOMISIJE.....	5
Odjeljak A. Zakonodavne aktivnosti.....	5
Odjeljak B. Izvještaji o radu.....	5
Odjeljak C. Imenovanja.....	6
Odjeljak D. Aktivnosti u vezi s razmatranjem i usvajanjem ostalih akata.....	6
Odjeljak E. Međunarodna saradnja, seminari, konferencije i radni sastanci	6
POGLAVLJE III. REZIME.....	7

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, br. 79/14, 81/15, 97/15, 78/19, 26/20 i 53/22), u skladu s Uputstvom o metodologiji izrade izvještaja o radu komisija Parlamentarne skupštine BiH (broj: 01,02-02-4-574-1/13 od 10. 4. 2014) i zaključkom Predstavničkog doma (broj: 01-50-1-15-15/15 od 22. 7. 2015), Komisija za saobraćaj i komunikacije Predstavničkog doma Parlamentarne skupštine Bosne i Hercegovine podnosi Predstavničkom domu Parlamentarne skupštine Bosne i Hercegovine sljedeći

Izvještaj

o radu Komisije za saobraćaj i komunikacije Predstavničkog doma u 2022. godini

POGLAVLJE I. UVODNI DIO

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 48. Poslovnika Predstavničkog doma prema kojem Komisija razmatra pitanja koja se odnose na: putne isprave, uspostavljanje i funkcioniranje zajedničkih i međunarodnih komunikacija, reguliranje međunarodnog i međuentitetskog saobraćaja, civilno zrakoplovstvo, informaciono-komunikacione tehnologije i druga pitanja iz oblasti saobraćaja i komunikacija.

U mandatnom periodu 2018 - 2022. godine predsjedavajući Komisije bio je Nenad Nešić, prvi zamjenik predsjedavajućeg Nermin Mandra, a drugi zamjenik Predrag Kožul. Ostali članovi Komisije bili su: Branislav Borenović, Vlatko Glavaš, Predrag Kojović, Mirsad Kukić, Edin Mušić i Sanja Vulić.

U mandatnom periodu 2022 - 2026. godine predsjedavajući Komisije je Jasmin Imamović, prva zamjenica predsjedavajućeg je Sanja Vulić, a drugi zamjenik je Slavko Matić. Ostali članovi Komisije su: Milan Dunović, Jasmin Emrić, Nenad Grković, Šemsudin Mehmedović, Nihad Omerović i Edin Ramić.

Sekretar Komisije je Ahmed Jalovičić.

Komisija je obavljala poslove iz svoje nadležnosti, u skladu s Planom rada i procedurama utvrđenim Poslovníkom Predstavničkog doma.

U izvještajnom periodu Komisija je održala pet sjednica, s ukupno 15 tačaka dnevnog reda, u okviru kojih je usvojila jedan zaključak.

Prosijek prisustva članova Komisije sjednicama Komisije je 60%, a sjednice su u prosjeku trajale 20 minuta.

Tabela 1. Pregled sjednica Komisije s tačkama dnevnog reda

Broj i datum održavanja sjednice	Broj razmatranih tačaka dnevnog reda na sjednici	Prisustvo članova sjednicama Komisije (%)
14. sjednica 9. 3. 2022.	4	56
15. sjednica 26. 4. 2022.	5	56
16. sjednica 6. 6. 2022.	2	56
17. sjednica 27. 7. 2022.	3	56
1. sjednica 28. 12. 2022.	1	78
Ukupan broj sjednica: 5	Ukupan broj razmatranih tačaka: 15	Prosječno prisustvo: 60%

POGLAVLJE II. IZVJEŠTAJ O AKTIVNOSTIMA KOMISIJE

U izvještajnom periodu Komisija je održala pet sjednica, i to: četiri sjednice u sazivu 2018 - 2022. i konstituirajuća sjednica za mandatni period 2022 - 2026. godine.

Na pet održanih sjednica Komisija je razmatrala jedan prijedlog zakona, dvije poslaničke inicijative, tri izvještaja o radu institucija iz nadležnosti Komisije, kao i druge akte iz svoje nadležnosti.

Na 14. sjednici Komisije, održanoj 9. 3. 2022, usvojen je Izvještaj o radu Komisije za 2021. godinu i Orijentacioni radni plan Komisije za 2022. godinu.

Konstituirajuća sjednica Komisije za mandatni period 2022 - 2026. godine održana je 28. 12. 2022.

U izvještajnom periodu nije bilo putovanja u organizaciji Komisije.

Odjeljak A. Zakonodavne aktivnosti

Komisija je u 2022. godini razmatrala jedan prijedlog zakona, i to:

Prijedlog zakona o dopuni Zakona o osnovama sigurnosti saobraćaja na putevima u Bosni i Hercegovini, predlagač: poslanik Damir Arnaut.

Komisija je u drugoj komisijskoj fazi prihvatila Prijedlog zakona o dopuni Zakona o osnovama sigurnosti saobraćaja na putevima u Bosni i Hercegovini.

Predstavnički dom je na 29. sjednici, održanoj 7. 6. 2022, usvojio Prijedlog zakona u drugom čitanju.

Odjeljak B. Izvještaji o radu

U izvještajnom periodu Komisija je razmatrala izvještaje o radu institucija Bosne i Hercegovine za koje je nadležna, i to:

1. Izvještaj o radu i finansijski izvještaj Agencije za poštanski saobraćaj BiH za 2021. godinu;
2. Izvještaj o radu Državne regulatorne komisije za električnu energiju za 2021. godinu;
3. Izvještaj o finansijskom poslovanju BHRT-a za 2021. godinu i Finansijski plan BHRT-a za 2022. godinu;
4. Izvještaj o realizaciji programa BHRT-a za 2021. godinu i Programski planovi BHRT-a za 2022. godinu.

Odjeljak C. Imenovanja

U izvještajnom periodu Komisija nije razmatrala imenovanja iz svoje nadležnosti.

Odjeljak D. Aktivnosti u vezi s razmatranjem i usvajanjem ostalih akata

Komisija je u okviru svoje nadležnosti razmatrala sljedeće akte:

1. Poslaničku inicijativu Damira Arnauta kojom se traži od Ministarstva komunikacija i prometa BiH da pokrene postupak izmjene Pravilnika o vozačkoj dozvoli („Službeni glasnik BiH“, broj 9/19), s ciljem ukidanja člana 24. kojim se regulira obaveza zamjene vozačke dozvole za lica koja promijene prebivalište;
2. Poslaničku inicijativu Damira Arnauta kojom se traži od Ministarstva komunikacija i prometa BiH da u roku od 75 dana od dana usvajanja ove inicijative pripremi i u parlamentarnu proceduru dostavi Prijedlog izmjena i dopuna Zakona o osnovama sigurnosti saobraćaja na putevima u Bosni i Hercegovini, kojim će se značajno pooštriti sankcije za određena djela propisana navedenim zakonom;
3. Informaciju Upravnog odbora Radio-televizije Bosne i Hercegovine o posljedicama finansijske blokade BHRT-a;
4. Prijedlog izvještaja o radu Komisije za saobraćaj i komunikacije Predstavničkog doma u 2021. godini;
5. Prijedlog orijentacionog radnog plana Komisije za saobraćaj i komunikacije Predstavničkog doma za 2022. godinu.

Odjeljak E. Međunarodna saradnja, seminari, konferencije i radni sastanci

Član Komisije Nermin Mandra učestvovao je na online sastanku sa stručnim timom Svjetske banke u okviru Projekta „Podrška energetske tranziciji u regijama uglja na Zapadnom Balkanu i Ukrajini“, koji je održan 14. 2. 2022.

Također, Nermin Mandra učestvovao je na online sastanku sa stručnim timom Svjetske banke u okviru Projekta „Podrška energetske tranziciji u regijama uglja“, koji je održan 21. 3. 2022.

Predsjedavajući Komisije Nenad Nešić učestvovao je na Konferenciji „Prezentacija izvještaja o procjeni finansiranja i upravljanja javnim medijskim servisima u zemljama Zapadnog Balkana“ koja je, u okviru Projekta “Tehnička podrška javnim medijskim servisima na Zapadnom Balkanu”, održana 5. i 6. 7. 2022. u Podgorici.

POGLAVLJE III. REZIME

Na osnovu navedenih aktivnosti, može se konstatirati da je Komisija u 2022. godini blagovremeno razmatrala sve materijale iz njene nadležnosti.

U domenu zakonodavne aktivnosti Komisija je u 2022. godini razmatrala jedan prijedlog zakona, čiji je predlagač poslanik iz Predstavničkog doma. Vijeće ministara BiH u izvještajnom periodu nije dostavilo u parlamentarnu proceduru nijedan prijedlog zakona iz nadležnosti Komisije.

Komisija je kontinuirano saradivala s Vijećem ministara BiH i resornim Ministarstvom komunikacija i prometa BiH, pa su pomoćnici ministra ili predstavnici Ministarstva prisustvovali sjednicama Komisije prilikom razmatranja Prijedloga zakona, poslaničkih inicijativa i akata iz nadležnosti Ministarstva komunikacija i prometa BiH.

PREDSJEDAVALJUĆI KOMISIJE
Jasmin Imamović

Prilog: Tabela 2. Tabela prikaz prisustva članova sjednicama Komisije

Tabela 2. Tabelarni prikaz prisustva članova sjednicama Komisije

Ime i prezime člana Komisije	Broj sjednice i datum održavanja sjednice Komisije			
	14	15	16	17
	9. 3. 2022.	26. 4. 2022.	6. 6. 2022.	27. 7. 2022.
Nenad Nešić	-	-	-	-
Nermin Mandra	+	+	+	+
Predrag Kožul	+	+	-	-
Branislav Borenović	-	-	-	-
Vlatko Glavaš	+	+	+	+
Predrag Kojović	+	+	+	+
Mirsad Kukić	-	-	+	+
Edin Mušić	+	+	+	+
Sanja Vulić	-	-	-	-